



Inatsisartuni ilaasortaq Aleqa Hammond, Siumut
MAANI

London Miningip piaanissamut qinnuteqaataanut atatillugu tusarniaanermut nittartakkami najoqqutassat pillugit § 37 naapertorlugu Naalakkersuisunut apeqqummut nr. 2012-196-imut akissuteqaat.

Inatsisartut suleriaasianni § 37 imm. 1 naapertorlugu Naalakkersuisunut, London Mining pillugu najoqqutassat tusarniaanermut nittartakkamut ikkunneqarsimasut pillugit apeqquteqarputit.

Apeqqu 1.

London Miningip paaasinnaanermut qinnuteqaateqarnerata kingunerisaanik tusarniaanermi nittartakkatigut (høringsportalen) aqqutigalugu tusarniutigineqartussani nalunaarusiat 10-usunit 6-it kalaallisut danskisullu allassimangillat, tuluttuunnaallutillu. Tamanna sumik peqquteqarpa?

Akissut:

Isukasiani Nuup avannaani saviminissamik piaanissamik pilersaarummut atatillugu tusarniaaneq maannakkut ingerlanneqartoq Aatsitassanut ikummatissanullu Inatsit naapertorlugu pivoq, tamatuma malitsigisaanik nalunaarusiat *Inuiaqatigiinni piujuartusamik iluaqutaasumik sunniutaasussanik nalilersuineq* aamma *Avatangiisinut sunniutaasussanik nalilersuineq* saqqummiunneqarput. Tassani pineqarput pilersaarutip inuiaqatigiinnut sunniutissaat pillugit nalilersuinerit aammalu avatangiisinut sunniutissaanut tunngatillugu nalilersuinerit. Nalunaarusiat taakku www.nanoq.gl-imi tusarniaanernut tunngatillugu quppernermut ilineqarput, kalaallisut qallunaatullu oqaasertaqarlutik. Tusarniaanermut tassunga tunngasut quppernermik 100-t arlalinnik amerlassuseqarput.

Nalunaarusiap *Avatangiisinut sunniutaasussanik nalilersuineq*, avatangiisit sunnerneqarsinnaanerannik nalilersuinerit, saqqummiunneqannginnerani taanna Århus Universitetimiittumi (siusinnerusukku DMU - Danmarks Miljø Undersøgelser) DCE-mit misissorneqarpoq avatangiisinut sunniutissai pillugit pingaarutillit tamarmik ilanngunneqarsimanersut qulakkeerumaneqarmat tusarniaassutigilertinnagu.

Isukasiani saviminissamik paaaffissamut annertuumut qinnuteqaat quppernermik tusindtilikkaanik malitseqarpoq, imaralugit pilersaarutip imminut akilersinnaaneranut tunngasunik naatsorsuutit, teknikkikkut tunngasut paasissutissat, naatsorsuinerit, nunap assingi il.il.. Quppernerit taakku tusindtilikkaat, tusarniaanermi ileqqut pitsaasut naapertorlugit, tamarmik nittartakkami tusarniaanermut quppernermut ilineqanngillat. Tamanna pissuteqarpoq tusarniaanermi toqqaannartumik attuumassuteqartut taamaasillutik pappilianik amerlasoorpassuarnut ipissammata taakku tamaasa atuassagunikkat. Pappiliat teknikkimut tunngasut tuluttuujusut nutserneqanngillat – soorlu aamma taamaasimasoq Nanortalip eqqaani Nalunami gultisiornissaq, Maniitsup eqqaani oliviniornissaq kiisalu Maarmoriliup eqqaani aqerlumik zinkimillu paaavik Siumup akuersissutigimmagit.

Pisortani aqutsinermi ammasumik pissuseqarnissamik Naalakkersuisut politikkiat maliluinnaarlugu soqutiginnittut tamarmik pappilissat teknikkimut naatsorsuinerimullu tunnga-

17. september 2012
Sagsnr. 2012-060499
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

sut takujumasinnaavaat. Tamanna aamma tunngaviuvoq ilanngussat teknikkimut tunngasut ilaat tuluttut allassimasut, tusarniakkanit ersarissumik kissaateqartoqarneratigut nittartakkamut ilineqarnerannut.

Oqaatigineqareersutut tusarniaanermut najoqqutassat annertooujussuupput, taamaatumik VVM-imut nassuiaammut nalunaarusiat tapiliussat sisamat taamaallaat innuttaasunut soqutiginaateqarnerpaajusutut nalilernerqartut kalaallisut danskisullu nutsertinneqarput. Tusarniaanermut najoqqutassat annertuallaarneri pillugu siusinnerusukkut isornartorsiuineq aallaavigalugu tamanna toqqarneqarpoq. VVM-imut nassuiaat atuartussamut suliassap avatangiisinut tunngasortai tamaasa pillugit sukumiisumik paasisutissiisussanngorlugu imaqartinneqartussaavoq.

Aatsitassarsiornermut suliassaqarfimmut tunngatillugu ammasuutitsinissaq Naalakkersuisut kissaatigaat. Nalunaarusiat sinneri arfinillit tuluttuujusut taamaalillutik tamatuma kingorna tusarniaaffiusumit aalajangersimasumik qinnuiginninnerup kingorna tusarniaanermut nittartakkamut ikkunneqarput.

Piiaanissamik suliassanut allanut tunngatillugu siusinnerusukkut tusarniaanerni, tassalu Siumumiit Nalunami kuultisiorfik, Maniitsup eqqaani olivinisiorfik, Ittoqqortoormiit eqqaanni molybdænisiorfik aammalu Uummannap eqqaani aqerlusiorfik/zinkisiorfik akuerineqarmata, nalunaarusiat itisiliinerusut tekniskiusullu aamma tusarniaassutigalugit nassiunneqanngillat imaluunniit nutsertinneqaratik. Tamanna maannakkut pivoq peqatigisaanillu ilai nutsertinneqarlutik.

Apeqqu 2.

London Miningip piiaasinnaanermut qinnuteqarnerata kingunerisaanik tusarniaanermut nalunaarusiani tuluttuinnaq allassimasuni atuarneqarsinnaavoq pingaaruteqarluinnartut mingutsitsinermut tunngasut, pujoralatsitsinermut tunngasut, aatsitassarsiornermillu aatsitassat arrortikkuminaatsut pillugit tunngasut kalaallisullu danskisullu allaassimasuinnaasut, kingunerinnaalu nittartakkamut ikkussorneqarsimaneranik sumik peqquteqarpa?

Akissut:

Apeqquumut siulianiittumut akissuteqaat takuuk.

Apeqqu 3.

Nittartakkamut ikkussimasimanngitsut 10-usunit 6-it tuluttuinnarlu allassimasut pillugit tusagassiorfitsigut naalakkersuisut nalunaaruteqarsimannginneranik peqquteqarpa?

Akissut:

Tusagassiuutitigut nalunaarut 2.september 2012-imeersoq innersuussutigissavara, tassani tamanna maluginiaqquneqarpoq. Tusagassiuutitigut nalunaarut ilanngussatut ilalinneqarpoq.

Apeqqu 4.

Kingunerinnaanik nittartakkamut ikkussuisimaneq pillugu naalakkersuisunit ilimagineqarpa paasissutissat pingaaruteqartut akissuteqarfigineqartussanik arajutsisimaneqarsimasinnaasut?

Akissut:

Aatsitassanut suliassaqarfimmi tusarniaanernut tunngatillugu maannamut misilittakkat tassaapput, tusarniaanermut akissuteqaatit tusarniaanermut piffissaliussap naanngitsarnerani tiguneqartarlutik. Aallaqqaataaniilli ilisimatitsissutigineqarpoq innuttaasunik ataatsimiititsinernit imaqarniliortoqartassasoq, innuttaasunik ataatsimiititsinerni peqataasunit apeqquutit taakkunungalugu akissuteqaatit tusarniaanermut nittartakkamut

ikkunneqartassasut, taamatullu pisortatigoortumik tusarniaanermut akissuteqaatit taak-kununngalu oqaaseqaatit ingerlaavartumik tusarniaanermut nittartakkamut ikkunne-qartassasut. Naalakkersuisut qularinngilluinnarpaat sullissiviit imaluunniit soqutigisaqartut nalunarusianut taakkununga arfinilinnut soqutigisaqarsinnaasut, tusarniaanermut nittartakkamut najoqqutissanik sulii allanik ikkussisoqarsimansoq takuniarlugu ingerlaavartumik alakkartarlutik pimoorussisimassasut.

Peqatigisaanik tusagassiuutitigut nalunaarummi ulloq 2. september 2012-imeersumi ilisimatitsissutigineqarpoq, nalunaarusiat tekniskiusut tusarniaaffiusumit piunasaqarneq malillugu nittartakkamut ikkunneqartassasut.

Apeqqu 5.

Kalaallisut aammalu danskisut oqaasillit sooq tusarniaanermi nalunaarusianik atu-arsinnaanngitsunngortinneqarsimappat, ilami tuluttuinnaammata?

Akissut:

Apeqqu 1-imut akissuteqaat takuuk.

Inussiarnersumik inuulluaqqusillunga

Ove Karl Berthelsen





Ulloq 2. september 2012

Tusagassiuutinut

Isukasiani saviminissamik piaanissamut pilersaarummut atatillugu tusarniaaneq annertoq

Siumup siulittaasua Aleqa Hammond Facebookikkut oqariartuuteqarpoq Isukasiani saviminissamik piaanissamut atatillugu pilersaaruteqartoqarnerani tusarniaanermut atatillugu avatangiisit pillugit nalunaarutit isorinnittumik imallit kalaallisuumut qallunaatumullu nutserneqannginnissaannik Naalakkersuisut aalajangersimasut.

Tamanna ilumuUNNGILAQ.

Isukasiani Nuup avannaani saviminissamik piaanissamik pilersaarummut atatillugu tusarniaaneq maannakkut ingerlanneqartoq pivoq Aatsitassat pillugu Inatsit naapertorlugu, tamatuma malitsigisaanik nalunaarusiat *Vurdering af den Samfundsmæssige Bæredygtighed* og *Vurdering af Virkninger på Miljøet* saqqummiunneqarnerat. Tassani pineqarput pilersaarutip inuiaqatigiinnut sunniutissaat pillugit nalilersuinerit aammalu avatangiisinut sunniutissaanut tunngatillugu nalilersuinerit. Nalunaarusiat taakku www.nanoq.gl-imi tusarniaanernut tunngatillugu quppernermut ilineqarput, kalaallisut qallunaatullu oqaaseqartaqarlutik. Tusarniaanermut tassunga tunngasut quppernernik 100-t arlalinnik amerlassuseqarput.

Nalunaarusiap *Vurdering af Virkninger på Miljøet* –ip, avatangiisit sunnerneqarsinnaanerannik nalilersuinerit, saqqummiunneqannginnerani taanna Århus Universitetimiittumi (siusinnerusukku DMU - Danmarks Miljø Undersøgelser-masumi) DCE-mit misissorneqarpoq avatangiisinut sunniutissai pillugit pingaarutillit tamarmik ilanngunneqarsimanersut qulakkeerumaneqarmat tusarniaassutigilertinnagu.

Isukasiani saviminissamik piaaaffissamut annertuumut qinnuteqaat quppernernik tusindtilikkaanik malitseqarpoq, imaralugit pilersaarutip imminut akilersinnaaneranut tunngasunik naatsorsuutit, teknikkikkut tunngasut paasissutissat, naatsorsuinerit, nunap assingi il.il.. Quppernerit taakku tusinditillikkaat, tusarniaanermi ileqqut pitsaasut naapertorlugit, tamarmik nittartakkami tusarniaanermut quppernermut ilineqanngillat. Tamanna pissuteqarpoq tusarniaanermi toqqaannartumik attuumassuteqartut taamaasillutik pappilianik amerlasoorpassuarnut ipissammata taakku tamaasa atuassagunikkat. Pappiliat teknikkimut tunngasut tuluttuujusut nutserneqanngillat – soorlu aamma taamaassimasoq Nanortallip eqqaani Nalunami gultisiornissaq, Maniitsup eqqaani oliviniornissaq kiisalu Maarmoriliup eqqaani aqerlumik zinkimillu piaaavik Siumup akuersissutigimmagit.

Pisortani aqutsinermi ammasumik pissuseqarnissamik Naalakkersuisut politikkiat malilluinnarlugu soqutiginnittut tamarmik pappilissat teknikkimut naatsorsuinernullu tunngasut takujumasinnaavaat. Periarfissaq taanna atorlugu kissaateqartoqarnera pissutigalugu teknikkimut tunngasut pappilissat ilaat tuluttut allassimasut ilaat nittartakkamut ilineqarnerannut.

Inuiaqatigiinnut pingaarutillit apeqqutit pineqartillugit pitsaasumik tunngavilersorluakkamillu oqallinnissaq Naalakkersuisut pingaartitarilluinnarpaat. Nuannaarutigissaqaarpulli aamma Siumup siulittaasuata tunngavilersorluakkamik aallaaveqarluni oqallinnermik aallartitsiniartarnissaa.

Paasissutissat annerusut:

Naalakkersuisoq Ove Karl Berthelsen, mobil 55 18 42